





CENTRAL BANK OF LESOTHO  
BANKA E KHOLO EA LESOTHO

CENTRAL BANK OF  
LESOTHO

28-09-2017

PUBLIC RELATIONS  
DIVISION

## PRESS RELEASE

<b>DATE:</b> 28 <sup>th</sup> September, 2017	<b>CONTACT:</b> Corporate Communications Division (00266)22232094/5/22232429	<b>Embargo:</b> For immediate release
Signed: 		Ref: 28092017/2

### Lets'olo La Khoeli la Ho Ruta Basotho ka Ts'ebeliso e Ntle ea Chelete

Banka e Kholo ea Lesotho ka ts'ebeliso 'moho le bohle ba nang le kobo ea bohali litabeng tsa lichelete kahare ho naha ea Lesotho, ba tla ts'oara lets'olo la Khoeli la ho ruta Basotho ka ts'ebeliso e ntle ea chelete (Money Month Event) ho tloha ka la peli ho isa la mashome a mararo a motso o mong khoeling ea Mphalane selemong sona sena.

Sechaba sa Basotho se tla hopola hore lets'olo lena le ts'oaroa selemo le selemo ka sepheo sa ho ruta le ho hopotsa Basotho ka bohlokoa ba ho boloka le ho sebelisa chelete hantle ka linako tsohle. Hara tse ling, basebelisi ba lihlahisoa le litšebeliso tsa lichelete, ba khothaletsoa ho hlokomela lintlha tse latelang tsa mantlha nakong ena: ho etsa meralo ea lichelete tsa bona ka nepo, ho beha kapele meralong le ts'ebeliso ea chelete litlhoko tsa mantlha ka linako tsohle, ekasitana le ho itekanya mesikaro ha motho a kalima le ho sebelisa chelete ele ho qoba litlamorao tse bosula tsa ts'ebeliso e mpe ea chelete le sekoloto se sa hlokahaleng.

Mohoo oa selemo sena o re, "Ke Nka Taolo ea Chelete Ea Ka. Uena?" Ho latela mohoo ona, Sechaba sa Basotho se tla hlokomelisoa ho qoba sekoloto se sa hlokahaleng ka ho kalima ka boikarabello, ho ithuta ka litokelo tsa bona, ho boloka ho tloha bonyenyane ho fihlela boholong ekasitana le ho tsetela ka maikutlo a ho una molemo ka moso.

Leha maikemisetso a lets'olo lena ele ho fihlela sechaba sa Basotho ka kakaretso, sehlohlolo sa lona se tla ba seterekeng sa Mokhotlong lipakeng tsa la mashome a mabeli a metso e meraro le la mashome a mabeli a metso e supileng moo mafapha a sechaba a fapaneng a kenyeletsang bahlanka ba 'muso, bahoebi, lihoai, barupeli ba balisana, baithuti, baokameli ba makala le likolo le sechaba ka kakaretso ba tla ruta ka mekhoha e bolokehileng ea ho sebelisa chelete.

Bakeng sa lipotso le litlhakisetsa, letsetsa: 22232429.